

# Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl  
scolastic grischun**

Band (Jahr): **80 (2018)**

Heft 4: **Klassenlehrerin/Klassenlehrer**

PDF erstellt am: **01.05.2024**

## Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Alla porta dil 10avel onn sco scolasta da classa

Jeu sundel ussa alla porta da miu 10avel onn sco scolasta da classa. Instruiu hiel jeu adina il scalem miez. Ils davos onns hiel jeu astgau rimnar gia dabia experientschas. Jeu hiel astgau guder massa bials muments en miu mistregn, denton era muments malemporneivels, muments che havessen insumma buca stuiu esser. Denton omisduas caussas s'audan ensemen. Tgei mistregn ha mo ina biala vart? Ils bials, sco era ils meins bials muments han madirau mei ed han engrondiu miu patertgar.

DA MARTINA CABALZAR, SCOLASTA SCALEM MIEZ, DANIS

Tgei vul quei dir, esser scolasta da classa? Sco scolasta da classa han ins ina gronda responsabladad. Era sche nus havein adina puspei vacanzas, il temps da scola, vul dir buca mo «il temps d'instruir», ei intensivs. Ei dat dis ch'jeu sundel 12 e dapli uras vid planisar, curreger, menar discours cun geniturs, far sesidas ed aunc bia auter. Caussas che ston era esser, ch'ein insumma buca cunsientas a biars. Sco scolasta da classa eis ei impurtont da tener la survesta, menar la classa transparentamein, e dir claramein tgei ch'ins pretenda. Per mintga decisiun hiel jeu adina giu in motiv ed ina

argumentaziun. Era en nies mistregn stuein nus prender mintga di decisiuns. El mument ch'ins pren las decisiuns, constattan ellas. Sch'ins studegia anavos, prendessen ins forsa outras decisiuns. Denton quei sebasa sin l'exprientscha ch'ins fa. Mintga famiglia ha siu patertgar pertucccont quei ch'ei endretg ni falliu. Tgei ei endretg? Ils davos onns hiel jeu empriu da mirar tut pli fetg ord differentas vestas e perspectivas. Endretg a tuts ei grev da far, per buca gest dir nunpusseivel. Denton era sch'jeu hiel buca adina mo giu situaziuns semplas, e sundel era magari vegnida a mes cunfins, saiel jeu dir ch'jeu hiel sut

il streh adina luvaug bugen culs affons. Sche quei fuss buca stau il cass, havess jeu midau mistregn. Ils bials muments surprendan tut ils auters e dattan forza e curascha. Igl ei fetg bi da veser cu ils affons muossan il plascher cu els han contonschii ina finamira.

Ozildi vegn ei pretendiu bia dils affons, da quei sun jeu cunscienta. Era el temps liber han biars in enorm program, ed era leu vegn ei fatg pretensiuns. Tuts contonschan denton buca tut quei ch'els vessen bugen, ni en scola ni el temps liber, quei che sa menar a frustaziuns. Saver ir entuorn cun squetsch e frustaziun munta per biars stress che semuossa silsuenter sin differentas modas, seigi quei en scola ni a casa.

Mia conclusiun suenter gleiti 10 onns ei da mirar bein dad ins sco scolasta. Per saver luvrar ditg en quei mistregn, eis ei enorm impurtont ch'ins miri ch'ei mondi bein cun ins, vul dir da metter magari tut d'ina vart e far semplamein ina pausa. Ins sa buca instruir ditg sch'ins ei semper sut squetsch. Gliez ei era buca bien e sanadeivel. Ins duess buca vuler midar tut, buca vuler esser responsabels per tut e vuler sligar tut persuls. Igl ei bi da saver luvrar en in bien team, nua ch'ins senta il sustegn.

Uss gaudel jeu inagada la pausa e selegral gia da saver entscheiver igl uost miu 10avel onn sco scolasta d'ina 6. classa.

